

欽

后汉书卷八十五之九十下



卷之四



後漢書卷八十五

宋

宣

城

太

守范曄撰

唐

章

懷

太

子賢注

章帝八王傳第四十五

孝章皇帝八子宋貴人生清河孝王慶梁貴人生和帝申貴人生濟北惠王壽河間孝王開四王不載母氏

千乘貞王伉傳

千乘貞王伉建初四年封和帝卽位以伉長兄甚見尊禮立十五年薨子寵嗣一名伏胡永元七年改國名樂安立二十八年薨是爲夷王父子薨于京師皆葬洛陽子鴻嗣安帝崩始就國鴻生質帝質帝立梁太后下詔以樂安國土卑溼租委鮮薄改鴻封勃海王委謂委輸也立二十六年薨是爲孝王無子太后立桓

帝弟蠡吾侯惲爲勃海王奉鴻祀惲蠡吾侯翼子河間王開孫也延熹八年惲謀爲不道有司請廢之帝不忍乃貶爲廋

陶王食一縣惲後因中常侍王甫求復國許謝錢五十萬帝臨崩遺詔復爲勃海王惲知非甫功不肯還謝錢甫怒陰求其過初迎立靈帝道路流言惲恨不得立欲鈔徵書而中常侍鄭珣音立中黃門董騰並任

俠通剽輕數與惺交通

剽疾也

王甫伺察以為有姦密告司隸校尉段熲熹平元年遂收颯送北寺獄

北寺獄名

關黃門署前書音義曰即若盧獄也

使尚書令廉忠誣奏颯等謀迎立惺大逆不道遂詔冀州刺史收惺考實又遣大鴻臚

持節與宗正廷尉之勃海迫責惺惺自殺妃妾十一人子女七十人伎女二十四人皆死獄中傅相以下以輔導王不忠悉伏誅惺立二十五年國除眾庶莫不憐之

平春悼王全傳

平春悼王全

續漢志平春縣屬江夏郡也

以建初四年封其年薨葬於京師無子國除

清河孝王慶傳

清河孝王慶母宋貴人貴人宋昌八世孫扶風平陵人也

昌文帝時為中尉以代邸功封壯武侯

父楊以恭孝稱於鄉閭不

應州郡之命楊姑即明德馬后之外祖母也馬后聞楊二女皆有才色迎而訓之永平末選入太子宮甚

有寵肅宗即位並為貴人建初三年大貴人生慶明年立為皇太子徵楊為議郎褒賜甚渥貴人長於人

事供奉長樂宮身執饋饌太后憐之太后崩後竇皇后寵盛以貴人姊妹並幸慶為太子心內惡之與母

比陽主謀陷宋氏

比陽主東海王疆女

外令兄弟求其織過內使御者偵伺得失

偵候也音丑政反廣雅曰偵問也

後於掖庭門邀

遮得貴人書云病思生薨令家求之因誣言欲作蠱道祝詛以薨為厭勝之術日夜毀譖貴人母子遂漸

月餘慶出居承祿觀數月皇后諷掖庭令誣奏前事請加驗實七年帝遂廢太子慶而立皇太子肇肇梁

貴人子也乃下詔曰皇太子有失惑無常之性爰自孩乳至今益章惡襲其母凶惡之風不可以奉宗廟

為天下主大義滅親況降退乎左傳衛石碚殺其子厚君子曰石碚純臣也惡州吁而厚預焉大義滅親其是之謂乎今廢慶為清河王皇子肇保

育皇后承訓懷祗導導善性將成其器蓋庶子慈母尚有終身之恩儀禮喪服曰慈母如母謂妾子之無母父命妾養之故曰慈母如母者貴

命也父之豈若嫡后事正義明哉今以肇為皇太子遂出貴人姊妹置丙舍使小黃門蔡倫考實之皆承諷旨

傳致其事傳讀曰附乃載送暴室二貴人同時飲藥自殺續漢志曰暴室署名主中婦人疾病也帝猶傷之勅掖庭令葬於樊濯

聚在洛陽城北也於是免楊歸本郡郡縣因事復捕繫之楊友人前懷令山陽張嶠左馮翊沛國劉均等奔走解

釋得以免罪楊失志憔悴卒于家慶時雖幼而知避嫌畏禍言不敢及宋氏帝更憐之勅皇后令衣服與

太子齊等太子特親愛慶八則共室出則同輿及太子即位是為和帝待慶尤渥諸王莫得為比常共議

私事後慶以長別居丙舍永元四年帝移幸北宮章德殿講於白虎觀慶得入省宿止帝將誅竇氏欲得

外戚傳前書外戚傳也懼左右不敢使乃令慶私從千乘王求夜獨內之又令慶傳語中常侍鄧眾求索故事文

帝祿傳昭武帝帝祿傳昭武帝及大將軍竇憲誅慶出居邸賜奴婢三百人與馬錢帛帷帳珍寶玩好充仞其第又賜中

傳以下前書音義曰中傳宦者也慶多被病或時不安帝朝夕問訊進膳藥所以垂意甚備慶小

乾隆四十年校刊後漢書卷八十五列傳

心恭率由以廢黜尤畏事慎法每朝謁陵廟常夜分嚴裝衣冠待明

分半

約勅官屬不得與諸王車騎競

驅常以貴人葬禮有闕每竊感恨至四節伏臘輒祭於私室竇氏誅後始使乳母於城北遙祠及竇太后

崩慶求上蒙致哀帝許之詔太官四時給祭具慶垂涕曰生雖不獲供養終得奉祭祀私願足矣欲求作

嗣室恐有自問恭懷梁后之嫌遂不敢言

恭懷梁后和帝母梁貴人

常泣向左右以為沒齒之恨

沒終齒年也

後上言外祖

母王年老遭憂病下土無醫藥願乞詣洛陽療疾於是詔宋氏悉歸京師除慶舅衍俊蓋暹等皆為郎十

五年有司以日食陰盛奏遣諸王侯就國詔曰甲子之異責由一人諸王幼稚早離顧復弱冠相育詩小雅曰

父令生我母令鞠我

顧我復我出入腹我

詩小雅曰

我懷憂者我匪我伊萬哀父母生我劬勞

知非國典且復須留

選儒仁弱慈戀不決之意也

音仁竟反東觀記須留作宿留至冬從祠章陵詔假諸王羽林騎各四十人後中傳

衛許私為臧盜千餘萬詔使案理之并責慶不舉之狀慶曰詎以師傅之尊選自聖朝臣愚唯知言從事

聽不甚有所糾察帝嘉其對悉以訖臧財賜慶及帝崩慶號泣前殿嘔血數升因以發病明年諸王就國

鄧太后特聽清河王置中尉內史賜什物皆取乘輿上御以求衍等並為清河中大夫

續漢書曰中大夫秩六百石無員掌

奉正

慶到國下令寡人生於深宮長於朝廷

魯哀公與孔子言曰寡人生于深宮之中長於婦人之手

抑明主垂拱受成

垂拱言無為也倚書曰垂拱仰成

既以薄祐早離顧復屬遭大憂

屬近

悲懷感傷蒙恩大國職惟

藩輔新去京師憂心兢兢夙夜屏營未知所立兢兢孤特也蓋聞智不獨理必須明賢今官屬並居舊任屏營仿徨也

失得是均庶望上遵策戒下免悔咎其糾督非枉明察典禁無令孤獲怠慢之罪焉鄧太后以殤帝襁抱

遠慮不虞繭以繒帛爲之卽今之小兒繭也繭音必衡反留慶長子祐與嫡母耿姬居清河邸至秋帝崩立祐爲嗣是爲安帝太

后使中黃門送耿姬歸國帝所生母左姬字小娥小娥姊字大娥健爲人初伯父聖坐妖言伏誅家屬沒

官二娥數歲入掖庭及長並有才色小娥善史書喜辭賦和帝賜諸王宮人因入清河第慶初聞其美贊

傅母以求之及後幸愛極盛姬姿莫比姊妹皆卒葬於京師慶立凡二十五年乃歸國其年病篤謂宋析

等曰清河埤埤音薄欲乞骸骨於貴人家傍下棺而已朝廷大恩猶當應有祠室庶母子并食魂靈有所

依庇死復何恨乃上書太后曰臣國土下溼願乞骸骨下從貴人於樊濯雖歿且不朽矣及今口目尙能

言視冒昧干請命在呼吸願蒙哀憐遂薨年二十九遣司空持節與宗正奉弔祭又使長樂謁者僕射中

謁者二人副護喪事賜龍旂九旒虎賁百人儀比東海恭王旂有九旒天子制也恭王疆葬贈以殊禮升龍旆頭鸞輅龍旂虎賁百人太后使

掖庭丞送左姬喪與王合葬廣卽子愍王虎威嗣永初元年太后封宋衍爲盛鄉侯分清河爲二國封慶

少子常保爲廣川王子女十一人皆爲鄉公主食邑奉明年常保薨無子國除虎威立三年薨亦無子鄧

太后復立樂安王寵子延平爲清河王是爲恭王寵卽千乘王仇之子太后崩有司上言清河孝王至德痛懿載育

明聖承天奉祚為郊廟主漢興高皇帝尊父為太上皇宣帝號父為皇考

宣帝父諱趙武帝時號史皇孫坐戾太子事遇害帝即位追尊

皇考立廟

序昭穆置園邑太宗之義舊章不忘

太宗謂繼嗣也左傳季桓子曰舊章不可忘也

宜上尊號曰孝德皇皇妣左氏曰孝德

后孝德皇母宋貴人追諡曰敬隱后乃告祠高廟使司徒持節與大鴻臚奉策書璽綬清河追上尊號又

遣中常侍奉太牢祠典護禮儀侍中劉珍等及宗室列侯皆往會事尊陵曰甘陵廟曰昭廟置令丞設兵

車周衛比章陵

皇考南頓君陵

復以廣川益清河國尊耿姬為甘陵大貴人又封女弟侍男為涅陽長公主別得

為舞陰長公主久長為濮陽長公主直得為平氏長公主餘七主並早卒故不及進爵追贈敬隱后女弟

小貴人印綬追封諡宋楊為當陽穆侯

當陽今荊州也

楊四子皆為列侯食邑各五千戶宋氏為卿校侍中大夫

謁者郎吏十餘人孝德后異母弟次及達生二人諸子九人皆為清河國郎中耿貴人者牟平侯舒之孫

也貴人兄寶襲封牟平侯帝以寶嫡舅寵過甚渥位至大將軍事已見耿舒傳立三十五年薨

○劉攽曰案文少延

平兩字

子蒜嗣沖帝崩徵蒜詣京師將議為祠會大將軍梁冀與梁太后立質帝罷歸國蒜為人嚴重動止

有度朝臣太尉李固等莫不歸心焉初中常侍曹騰謁蒜蒜不為禮宦者由此惡之及帝崩公卿皆正議

立蒜而曹騰說梁冀不聽遂立桓帝語在李固傳蒜由此得罪建和元年甘陵人劉文與南郡妖賊劉鮪

交通訛言清河王當統天下欲共立蒜事發覺文等遂刦清河相謝嵩將至王宮司馬門

帝紀謝作射蓋紀傳不同曰

當立王爲天子焉爲公豈不驢罵之文因刺殺焉於是捕文維誅之有司因劾奏緣坐貶爵爲尉氏侯徙

桂陽自殺立三年國絕梁冀惡清河名明年乃改爲甘陵梁太后立安平孝王子經侯理爲甘陵王

安平王傳

河間王開子 奉孝德皇祀是爲威王理立二十五年薨子貞王定嗣定立四年薨子獻王忠嗣黃巾賊起忠爲

國人所執旣而釋之靈帝以親親故詔復忠國忠立十三年薨嗣子爲黃巾所害建安十一年以無後國除

濟北惠王壽傳

濟北惠王壽母申貴人潁川人也世吏二千石貴人年十三入掖庭壽以永元二年封分太山郡爲國和帝遵肅宗故事兄弟皆留京師恩寵篤密有司請遣諸王歸藩不忍許之及帝崩乃就國永初元年鄧太后封壽舅申轉爲新亭侯壽立三十一年薨自承初已後戎狄叛亂國用不足始封王薨減賻錢爲千萬布萬匹嗣王薨五百萬布五千匹時唯壽最尊親特賻錢三千萬布三萬匹子節王登嗣永寧元年封登弟五人爲鄉侯皆別食太山邑登立十五年薨子哀王多嗣多立三年薨無子永和四年立戰鄉侯安國爲濟北王是爲釐王

釐音僖也

安國立十年薨子孝王次嗣本初元年封次弟猛爲亭侯次九歲喪父至孝建

和元年梁太后下詔曰濟北王次以幼年守藩躬履孝道父沒哀慟焦毀過禮草廬土席衰杖在身頭不

批沐體生瘡腫諒闇已來二十八月自諸國有憂未之聞也朝廷甚嘉焉書不云乎用德章厥善尚書盤庚之辭

也言以道德明之使競爲善也詩云孝子不匱永錫爾類詩大雅也匱竭也類善也永長也孝子之行無有匱竭長賜與汝之族類教道天下今增次封五千戶廣

其土宇以慰孝子惻隱之勞次立七年薨子鸞嗣鸞薨子政嗣政薨無子建安十一年國除

河間孝王開傳

河間孝王開以永元二年封分樂成勃海涿郡爲國延平元年就國奉遵法度吏人敬之永寧元年鄧太

后封開子翼爲平原王奉懷王勝祀勝和帝子子德爲安平王奉樂成王黨祀黨明帝子也開立四十二年薨子惠

王政嗣政愷狠不奉法憲順帝以侍御史吳郡沈景有彊能稱故擢爲河間相景到國謁王王不正服箕

踞殿上侍郎贊拜景峙不爲禮峙立也問王所在虎賁曰是非王邪景曰王不服常人何別劉攽曰王不服案文少一王

字今相謁王豈謁無禮者邪王慙而更服景然後拜出住宮門外請王傳責之曰前發京師陛下見受詔

以王不恭使相檢督諸君空受爵祿而無訓導之義因奏治罪詔書讓政而詰責傳景因捕諸姦人上案

其罪上奏上也殺戮尤惡者數十人出冤獄百餘人政遽爲改節悔過自修陽嘉元年封政弟十三人皆

爲亭侯政立十年薨子貞王建嗣建立十年薨子安王利嗣利立二十八年薨子駭嗣駭立四十一年魏

受禪以爲崇德侯肅吾侯襲元初六年鄧太后徵濟北河間王諸子詣京師奇翼美儀容故以爲平原懷

王後爲平原王得無子故立之也留在京師歲餘太后崩安帝乳母王聖與中常侍江京等譖鄧騭兄弟及翼云與中

大夫趙王謀圖不軌闕觀神器懷大逆心神器喻帝位也老子曰天下神器不可爲也貶爲都鄉侯遣歸河間翼於是謝賓客

開門自處永建五年父開上書願分益吾縣以封翼順帝從之翼卒子志嗣爲大將軍梁冀所立是爲桓

帝梁太后詔追尊河間孝王爲孝穆皇夫人趙氏曰孝穆后廟曰清廟陵曰樂成陵益吾先侯曰孝崇皇

廟曰烈廟陵曰博陵皆置令丞使司徒持節奉策書璽綬祠以太牢建和二年更封帝兄都鄉侯碩爲平

原王留博陵奉翼後尊翼夫人馬氏爲孝崇博園貴人以涿郡之良鄉故安河間之蠡吾三縣爲湯沐邑

碩嗜酒多過失帝令馬貴人領王家事建安十一年國除解瀆亭侯淑以河間孝王子封淑卒子長嗣劉

效曰案紀長作襄他書亦然明此誤長卒子宏嗣爲大將軍竇武所立是爲靈帝建寧元年竇太后詔追尊皇祖淑爲孝元

皇夫人夏氏曰孝元后陵曰敦陵廟曰靖廟皇考長爲孝仁皇夫人董氏爲慎園貴人陵曰慎陵廟曰奐

廟皆置令丞使司徒持節之河間奉策書璽綬祠以太牢常以歲時遣中常侍持節之河間奉祠熹平三

年使使拜河間安王利子康爲濟南王奉孝仁皇祀康薨子寶嗣建安十二年爲黃巾賊所害子開嗣立

十三年魏受禪以爲崇德侯

城陽懷王淑傳

乾隆四年校刊

後漢書卷八十五列傳

五

城陽懷王淑以永元二年分濟陰爲國立五年薨葬於京師無子國除還并濟陰

廣宗殤王萬歲傳

廣宗殤王萬歲以永元五年封分鉅鹿爲國其年薨葬於京師無子國除還并鉅鹿

平原懷王勝傳

平原懷王勝和帝長子也不載母氏少有瘡疾延平元年封立八年薨葬於京師無子鄧太后立樂安夷王寵子得爲平原王奉勝後是爲哀王得立六年薨無子永寧元年太后又立河間王開子都鄉侯翼爲平原王嗣安帝廢之國除

論曰傳稱吳子夷昧甚德而度有吳國者必其子孫

夷昧吳君之名左傳屈狐庸謂趙文子曰若天所啓其在今嗣君乎甚德而度德不失人度不失事有吳

國者必此君之子孫也杜預注云嗣君謂夷昧也

章帝長者事從敦厚繼祀漢室咸其苗裔古人之言儔哉

贊曰章祚不已本枝流祉實惟伉孫安亦慶子河間多福桓靈承祀濟北無驕皇恩寵饒平原抱瘡三王

薨朝

平春王全廢宗王萬歲城陽王淑並薨於京師也

振振子孫或秀或苗

振振仁厚貌也音之人反詩國風曰宜爾子孫振振兮論語曰苗而不秀者有矣夫秀而不實者有矣夫

苗謂早夭秀謂成長也

後漢書卷八十五考證

千乘貞王伉傳奉鴻祀○祀北宋本作嗣

清河孝王慶傳父楊○按楊北宋本作揚

太宗之義○何焯校本太改大

河間孝王開傳與中大夫趙王○王字疑當作玉鄧太后紀有宮人趙玉

後漢書卷八十五考證

後漢書卷八十六

宋

宣

城

太

守范曄

唐

章

懷

太

子賢注

張王种陳列傳第四十六

張昭傳子綱

張昭字叔明犍為武陽人也六世祖夏高帝時為太子少傅封留侯昭少遊學京師初永元中歸仕州郡

○劉攽曰案辟大將軍鄧騭府五遷尚書僕射職事八年出為彭城相明帝子彭城王恭之相也永寧元年徵拜廷尉

時雖非法家而留心刑斷數與尚書辯正疑獄多以詳當見從詳審而平當也時安帝廢皇太子為濟陰王昭與

太常桓焉太僕來歷廷爭之不能得事已具來歷傳退而上疏曰昔賊臣江充造構讒逆至令戾園興兵

終及禍難趙人江充字次倩武帝時為直指繡衣劾太子家吏行馳道中恐為太子所誅見上年老意多所惡因言左右皆為巫蠱上乃使充捕案巫蠱既知上意太子乃言宮中有蠱氣遂掘蠱太子

宮得桐木人時上疾瘡甘泉宮太子懼不能自明收充斬之發兵與丞相劉屈氂戰敗亡走湖自殺後太子孫宣帝即位追諡太子曰戾於湖置園邑奉祠故曰戾園後靈關三老一言上

乃覺悟雖追前失悔之何逮逮及也太子死後靈關三老令狐茂上書曰太子冤武帝感悟憐太子無辜

今皇太子春秋方始十歲未見保傅九德之義尚書畢陶陳九德曰寬而懷柔而立愿而恭亂宜簡賢輔而敬擾而毅直而溫簡而廉剛而塞強而誼也

就成聖賢書奏不省及順帝卽位拜昭司空在事多所薦達天下稱其推士時清河趙騰上言災變譏刺

朝政章下有司收騰繫考所引黨輩八十餘人皆以誹謗當伏重法昭上疏諫曰臣聞堯舜立敢諫之鼓

三王樹誹謗之木春秋採善書惡聖主不罪芻蕘左氏傳曰春秋之稱微而顯志而晦懲惡而勸善非聖人誰能修之騰等雖干上犯法所

言本欲盡忠正諫如當誅戮天下杜口塞諫爭之源非所以昭德示後也帝乃悟減騰死罪一等餘皆司

寇前書音義曰司寇二歲刑也輪作司寇因以名焉四年以陰陽不和策免陽嘉元年復爲廷尉其年卒官時年八十三遣使者

弔祭賜葬地於河南縣子綱

綱字文紀少明經學雖爲公子而厲布衣之節舉孝廉不就司徒高第辟爲御史時順帝委縱宦官有識

危心綱常感激慨然歎曰穢惡滿朝不能奮身出命掃國家之難雖生吾不願也退而上書曰詩曰不愆

不忘率由舊章詩大雅也愆過也率循也言成王令德不過循用舊典之文尋大漢初隆及中興之世文明二帝德化尤盛觀其理爲

易循易見但恭儉守節約身尙德而已中官常侍不過兩人近倖賞賜裁滿數金惜費重人故家給人足

夷狄聞中國優富任信道德所以姦謀自消而和氣感應而頃者以來不遵舊典無功小人皆有官爵富

之驕之而復害之非愛人重器承天順道者也器謂車服也言無功小人不可妄授也左傳曰唯器與名不可以假人也伏願陛下少留聖思

劃損左右以奉天心書奏不省漢安元年選遣八使徇行風俗皆耆儒知名多歷顯位周舉傳曰詔遣八使巡行風俗同特

俱拜天下號曰八俊刺史二千石有賊罪者驛馬上之墨綬唯綱年少官次最微餘人受命之部而綱獨已下便收其有清勤忠惠宜表異者狀聞八使名見順帝紀

埋其車輪於洛陽都亭曰豺狼當路安問狐狸前書京兆督郵侯文之辭遂奏曰大將軍冀河南尹不疑蒙外戚之援

荷國厚恩以芻蕘之資居阿衡之任不能敷揚五教冀讚日月而專為封豕長蛇肆其貪叨左傳申包胥曰吳為封豕

長蛇薦食上國也甘心好貨縱恣無底多樹諂諛以害忠良誠天威所不赦大辟所宜加也謹條其無君之心十

五事斯皆臣子所切齒者也左傳曰有無君之心而後動於惡也前書鄒陽謂蓋侯王信君曰太后怫鬱泣血切齒側目於貴臣矣書御京師震竦御進時

冀妹為皇后內寵方盛諸梁姻族滿朝帝雖知綱言直終不忍用時廣陵賊張嬰等眾數萬人殺刺史二

千石寇亂楊徐間積十餘年朝廷不能討冀乃諷尚書以綱為廣陵太守因欲以事中之前遣郡守率多

求兵馬綱獨請單車之職既到乃將吏卒十餘人徑造嬰壘以慰安之求得與長老相見申示國恩嬰初

大驚既見綱誠信乃出拜謁綱延置上坐問所疾苦乃譬之曰前後二千石多肆貪暴二千石謂太守也故致公

等懷憤相聚二千石信有罪矣然為之者又非義也今主上仁聖欲以文德服叛故遣太守思以爵祿相

榮不願以刑罰相加今誠轉禍為福之時也若聞義不服天子赫然震怒荆揚兗豫大兵雲合豈不危乎

若不料強弱非明也弃善取惡非智也去順效逆非忠也身絕血嗣非孝也凡祭皆用牲故曰血嗣背正從邪非直

也見義不為非勇也六者成敗之幾利害所從公其深計之嬰聞泣下曰荒裔愚人不能自通朝廷不堪